

六藝之一錄

欽定四庫全書

六藝之一錄卷四十四

錢塘倪濤撰

石刻文字二十

漢衛尉衡方碑

府君諱方字興祖肇先蓋堯之苗本姓闕則有伊尹左

殷之世號稱阿衡因而氏焉闕土家于平陸君之烈祖

少曰儒術安貧樂道履詠顏原兼滄季由聞斯行諸砥

仁厲闕土階夷愍之貢經常伯之賓位左馮翊先帝所

尊卑名竹帛考廬江太守兄鴈門太守闕孝長發其祥誕

降于君天資純懿昭前之美少日文塞敦龐允元長以欽

明耽詩悅書闕秋仕郡辟州舉孝廉除郎中即立侯相膠

東令遵尹鐸之導保障二城衆國起按斑叙闕本肇末化

速却圃州舉尤異遷會稽東部都尉將繼南仲邵虎之軌

飛翼軫之旌操衆闕綏來王之蠻會喪太夫人感衛人之

凱風悼蓼儀之劬勞寢閣苦凶仍仍闕上言倍榮向哀

扎服祥除徵拜議郎右北平太守尋李廣之在邊恢魏絳

之和戎戢土佚費省巨億懷

闕

靜有績遷穎

川太守循清滌俗招拔隱逸光大茅茹國外浮謏淡畧

繆動氣泄狂

闕

歸來洙泗用行舍藏徵拜議

郎遷太醫令京兆尹舊都餘化詩人所詠並有亡新君

闕

隆寬慄鶉火光物隕霜剝姦振滯起舊存亡

繼絕恩降乾杰威肅剝北本朝錄功入登衛

闕

翼紫

宮夙夜惟寅禕隋左公有單襄穆英謨之風詔選賢良

招先逸民君務在

闕

失順其文舉已從政者退就勅巾

永康之末君衛孝桓建寧初政朝用舊臣留拜步兵校尉處六師之師維時假階將授緄職受任決旬庵離寢疾年六十有三建寧元年二月五日癸丑卒詔遣使闕

弔賻禮百賓臨會莫不失聲其年九月十七日辛酉

葬蓋雅頌興而清廟肅中庸起而祖宗闕故仲尼既歿

諸子綴論斯于作歌用昭于宣謚呂旌德銘呂勒勲於

是海內門生故吏闕采嘉石樹靈碑鐫茂伐祕將

來其辭曰

峨峨我君懿烈孔純高闕神武歷世忠孝馮隆鴻軌不

忝前人寬猛不主德義是經韜綜項闕溫故前呈楹英

接秀踵迹晏平初據百里顯顯令聞濟康下民曜武南

會邊民是鎮惟闕憂及退身參議帝室剖符守藩

北靖闕有闕有聲旋守中嶽幽滯呂榮邁種舊京闕

含澤戴仁闕攸寧尅長尅君不虞不陽維明

維允耀此聲香能愆能惠尅亮天功入統闕剡剡光

光法言稽古道而後行兢兢業業素絲羔羊閭閻侃侃

顯顯昂昂蹈規履渠金玉其相謇謇王臣羣公憲章樂

旨君子

闕

无疆銘勒金石

闕

問

闕

萬世

是傳

門生平原樂陵朱登字仲

右

闕

尉卿衡府君之碑隸額建寧元年立趙氏

誤以為三年衡君名方歷郎中即邛侯相膠東令會

稽東部都尉名拜議郎為右北平潁川兩太守再除

議郎遷太醫令京兆尹碑有本朝錄功入登衛七字

衛下闕文必尉字也又云永康之末君衛孝威建寧

初政朝用舊臣留拜步兵校尉蓋靈帝初立更易朝
士自九卿而作五校殆是左遷故碑首舉其尊者稱
之碑云海內門生故吏采嘉石鐫靈碑末有小字門
生朱登題名則其人也銘文甚溫潤如云鶉火光物
隕霜剗姦尋李廣之在邊恢魏絳之和戎唐人誌墓
皆用此體雖柳子厚少作亦然履該顏原謂顏子原
憲也禕隋即委蛇出韓詩內傳

隸釋

碑以濡為儒倍為背淡為痰緄為冢庵為奄太即

金少卿
卷四十四
太守盧江鴈門皆從上同

右漢衡方碑云府君諱方字興祖其先伊尹在殷號稱阿衡因而氏焉又曰州舉孝廉除郎中即邛侯相膠東令州舉尤異遷會稽東部都尉又拜議郎北平太守遷潁川太守又曰拜步兵校尉年六十有三建寧元年二月五日癸丑卒於是海內門生故吏采嘉石樹靈碑鐫茂伐祕將來此其始終之大略其餘歷歷可見而時亦磨滅以其文多不備錄集古錄

右隸書不著書撰人名字方字興祖平陸人位至步

兵校尉碑以建寧中立

集古錄目

右衛尉卿衡方碑有云感昔人之凱風悼蓼儀之劬勞以蓼莪為蓼儀也漢碑多如此蓋漢人各以其學

名家故所傳時有異同也

金石錄

右漢衛尉衡方碑其叙門閤云伊尹在殷號稱阿衡因以為氏君考廬江太守兄鴈門太守叙官秩云歷郎中即邱侯相膠東令遷會稽東部都尉徵拜議郎

北平潁川兩太守太醫令京兆尹入登衛尉至步兵
校尉叙卒葬云年六十三建寧元年二月五日癸丑
卒其年九月十七日辛酉葬文字詳悉顏為完好漢
碑中之不易得者洪丞相謂碑云履該顏原即顏淵
原憲予觀其下繼之云兼脩季由蓋仲由一字季路

季由即季路也

金薤
琳瑯

衛尉卿衛方碑八分書建寧三年六月今在汶上縣
其文有曰履該顏原兼脩季由洪氏以顏原為顏淵

原憲而都太僕以季由為仲由字季路即是一人與
兼修之義不協按史記仲尼弟子傳公皙哀字季次
孔子曰天下無道多為家臣仕於都惟季次未嘗仕
遊俠傳季次原憲終身空室蓬戶褐衣蔬食不厭死
而已四百餘年而弟子志之不倦然則季乃季次也
四人皆安貧守道之士故舉並言之其一字一名亦古

文之所嘗有也

金石文
字記

浚儀令衡立碑

集古錄作元節碑

君諱立字元節其先出自伊尹阿衡官有

闕

為氏

君其胄也曾祖父以儒林清節建

闕

於

闕

官至左馮

下闕

出

闕

固

下闕

君幼有嘉搢長而

下闕

傳

帥業

下闕

友

下闕

尊賢汜愛含宏

闕

髮為

縣功曹無儋石之積乃潔己約

下闕

仕為

闕

史遷蕭尉

紀吾浚善良隱

下闕

情

見懷

下闕

然乃志高蹈濯

鱗常為

闕

從

闕

昭違朝政

下闕

望有

下闕

人諸友含哀

傷悼相與論述

闕

以為先

闕

歿問

下闕

者也

闕

刊斯石

以銘闕代其辭曰

於穆從事淑慎廣淵柔嘉其德儀問孔芬其芬如何允

孝允

闕

有烈勲宜享難老彭祖為曰旻天

不弔降此咎氛鳴

闕

痛感

闕

此有靈貽厥後

昆

碑以口為亾古隣字也

右浚儀令衡君碑有額在鄆州衡君名立字元節歐陽公以為元節碑云可見者數十字銘曰於穆從事

疑其姓伊而為從事趙氏曰碑有額題浚儀令衡君
之碑予亦未之見也石多缺惟銘尚可讀碑云其先
出自伊尹衛尉卿衡方碑亦云伊尹稱阿衡因而氏
焉二人蓋同族也

隸釋

右漢元節碑文字磨滅不見其氏族其可見者纔數
十字爾云君諱立字元節其先出自伊尹其餘不復
成文其銘云於穆從事疑其姓伊而為從事也碑無
年月而知為漢人者以其隸體與他漢碑同耳

集古錄

右隸書不著書撰人名氏君名立字元節出於伊尹
之後其姓氏爵里卒葬之年月皆不可辯然其隸字

甚古所以知漢碑也

集古
錄目

右浚儀令衡立碑云君諱立字元節其先出自伊尹
而其銘曰於穆從事歐陽公集古錄號為元節碑且
云疑其姓伊而為從事也今碑首尚完題浚儀令衡
君之碑蓋漢時石刻其官爵姓氏既載于額則其下
不復更著苟文已殘缺又不見其額則遂難考究矣

立與衛尉卿衡方墓皆在今鄆州中都方碑亦云其

先伊尹號稱阿衡因以氏焉

金石錄

金鄉守長侯君碑

君諱成字伯盛山陽防東人也其先出自豳岐周文之後封于鄭鄭共仲賜氏曰侯厥胤宣多以功佐國要盟齊魯嘉會自邠因以為家焉漢之興也侯公納英濟太上皇於鴻溝之阨諡曰安國君曾孫酺封明統侯光武中興元孫霸為臨淮太守擁兵從光武平定天下轉拜

執法右刺姦五威司命大司徒公封於陵侯枝葉繁茂
或家河洧或邑山濟君則上黨太守之弟幼履慈孝之
德長執忠謇之操治春秋經博綜書傳呂典籍教授滋
滋履真安貧樂道忽於時榮敬上接下溫故知新翹節
建志冠于羣倫孝友內著仁義外宣郡請署主簿督郵
五官掾功曹守金鄉長即家假印綬君介心如石不易
其志刺史嘉其高名辟部東平泰山治中從事君獻精
謙畧委蛇衡門呂禮盤桓名德可尊行顯身隱縣與養

神聖人制命曰仁常存今胡不然喪此國偉君年八十
一建寧二年歲在己酉四月二日癸酉遭疾而卒嗚呼
哀哉於是遐邇士士仁祁祁來庭集會如雲號哭發哀
泣涕沈蘭將去白日歸彼元陰同盟必至縞素填街存
有顯名終有遺勲魂如有靈嘉斯寵榮於是儒林衆雋
惟想祁景乃樹立銘石呂揚淑美其辭曰

於穆君德姿履正平乾皇所挺應符如生耽藝樂術恬
忽世榮零位禮請介然不傾壽非南山不俟河清梁木

圮頹鴻儀催零昆嗣剝哀慟感情乃銘乃勒億載永
寧

夫人以延熹七年歲在甲辰十一月三日庚午遭疾終
右漢故金鄉守長侯君之碑隸額侯君名成山陽人
守金鄉長以靈帝建寧二年卒碑云侯公濟太上皇
於鴻溝諡曰安國君光武中興霸為臨淮太守從定
天下拜執法右刺姦五威司命大司徒封於陵侯按
高帝紀侯公歸太公封為平國君非諡安國也侯霸

傳云五威司命陳宗舉霸德行遷隨宰再遷執法刺
姦後為淮平大尹淮平即臨淮也王莽傳置執法刺
姦選侯霸等分督六尉如漢刺史謂霸嘗作五威司
命及執法臨淮在光武時皆非也丞相封侯自平津
始光武以功臣未封故霸但侯關內既薨方追封則
鄉其子昱徙封於陵爾謂霸封於陵又非也所貴乎
石刻以其可以考正史傳之失今此碑與史不同者
四蓋所引鼻祖前朝之事非聞見所接故也西漢表

平帝封侯輔為明統侯此以輔為酺未知孰是

隸釋

碑以滋滋為孳孳邢為形催為推

同上

右漢金鄉守長侯君碑云君諱成字伯盛山陽防東人也其先出自幽岐周文之後封於鄭鄭共仲賜氏曰侯厥胤宣多以功佐國漢之興也侯公納策濟太上皇於鴻溝之阨諡曰安國君曾孫酺封明統侯光武中興元孫霸為臨淮太守轉拜執法右刺姦五威司命大司徒公封於陵侯枝葉繁茂或家河浦或邑

山濟君即上黨太守之弟郡請署主簿督郵五官掾
功曹守金鄉長建寧二年四月卒年八十一其碑文
首尾皆完故得詳其世次其云上黨太守不見其名
按漢書執法左右刺姦五威司命皆王莽官名侯霸
列傳云霸莽時為隨令遷執法刺姦而未嘗為五威
司命後事光武代伏湛為大司徒封關內侯既薨光
武下詔追封則鄉侯而此碑言封於陵侯未知孰是
據碑言刺姦司命為光武時官蓋碑文之繆矣

集古錄

右隸書不著書撰人名氏君名成字伯盛山陽防東

人碑以建寧二年立

集古錄目

右金鄉守長侯君碑載其上世云漢興侯公納策濟

太上皇於鴻溝之阨諡曰安國君曾孫黼封明統侯

光武中興元孫霸為臨淮太守擁兵從光武平定天

下轉拜執法刺姦五威司命大司徒公封於陵侯歐

陽公集古錄云執法左右刺姦五威司命皆王莽時

官侯霸傳云霸莽時為隨令遷執法刺姦而未嘗為

五威司命後代伏湛為大司徒封關內侯既薨光武
下詔追封則鄉侯而此碑言封於陵侯未知孰是據
碑言刺姦司命為光武時官蓋碑之謬余按霸列傳
霸薨追封則鄉侯至子昱改封於陵侯而以霸為於
陵侯疑亦碑之誤又按高祖紀侯公說項羽歸太公
呂侯乃封侯公為平國君今此碑言安國既不同而
平國君乃生時稱號如婁敬為奉春君之類碑以為
謚恐亦非是又酺封明統侯漢書功臣表亦不載不知

碑何所據也

金石錄

侯伯咸墓碑建寧中立單州

金石略

金鄉長侯成碑八分書建寧二年拓本其文有云滋

滋履真者孳孳之異濟陰太守修堯廟碑亦以滋滋

為孳孳 漢碑未有誌其夫人者此碑末云夫人以

延熹七年歲在甲辰十一月三日庚午遭疾終又郎

中馬江碑云夫人寃句曹氏終溫淑慎咸曰女師年

五十五建寧三年十二月卒此後人作碑并志夫人

之始

金石文
字記

孝廉柳敏碑

故孝廉柳君諱敏字愚卿其先蓋五行星仲廿八舍柳

宿之精也放像為用縣設為道

闕商家而禪

而

主或聞生柳惠國大夫而流俗稱焉君父以孝廉除郎

中闕部府丞君追祖繼體歷職五官功曹守宥渠令本

初元年蜀郡太守

闕

君復察舉君

闕

命失

闕

君清節儉

約厲風子孫固窮守陋不

闕

堂無文麗墓無碑識

建寧元年縣長同歲捷為屬國趙臺公憤然念素帛之
義其二年十月甲子為君立碑傳于萬基因勒銘歎之
厥辭曰

惟斯柳君天憤鯁

闕

襲祖

闕

風行無遺闕授政股肱諫

爭匡弼奮威外相屬城震栗宰守伯煩垂名所立表貢
王庭望極爵位可辜窮蒼官寵不遂予惟三六庶昔延
李建監斯碑傳于萬世子孫繁昌永不溥滅嗚呼哀哉
嗚呼哀哉

辭曰山陵元室闕斯邦兮先人脩質尚約清兮汶飭不

雕澳霞感兮季子信奮帶樹松兮僑俗追歿激闕揚兮

亡而像存樂嘉靈兮宗子于集階其鳴兮四祀烝嘗不

廢充兮

右孝廉柳君碑今在蜀中柳君名敏歷五官功曹宕

渠令碑以孝廉稱之重其行也其父亦因孝廉除郎

中碑字雖有漫滅考其文意蓋柳君以本初元年再

為郡守所舉不幸而死後二十三年縣令趙臺念其

墓無碑識故為立石時靈帝建寧二年也碑云敏之
先乃二十八舍柳宿之精頗類張姓連天之說不典

孰甚焉

隸釋

碑以星仲為星中萬基為萬基溥即漫字充即荒

字

同上

右柳孝廉碑云君諱敏其先蓋五行星

下闕一字

二十八

舍柳宿之精也其說亦可為怪矣自戰國以來聖人
不作諸子百家異端怪說紛然而起其弊至東漢而

極焉自非豪傑之士卓然不為流俗所移未有不從而惑者也若此碑直以柳君得姓出于柳宿果何所

據哉

金石錄

孝廉柳敏碑今在黔州隸釋云敏嘗為郎中五官功曹宕渠令死後二十三年縣令趙臺念其墓無碑識故為立石時靈帝建寧二年也余考之不然其以孝廉除郎中者敏之父也歷五官功曹宕渠令者敏也其言建寧元年趙臺念素帛之義其二年十月為君

立碑者建寧三年也按范曄漢紀建寧二年十月庚子晦日有食之逆數而上十月無甲子趙德夫金石錄識于目錄之下云建寧二年六月然此碑其稍漫不可識者財十有四字其可識者三百十字而十月甲子又特全好無昏舛可信而不疑况是年六月一日辛未亦無甲子唯建寧三年十月乃正得甲子朔碑所謂其二年者元年之後二年也

集古後錄

柳敏碑陰六玉

柳敏碑陰其上刻一禽若鳳其下則麟也中有牛首

銜環兩旁凡六玉其右則瑁圭璧其左則琮璋璜

釋隸

淳于長夏承碑

君諱承字仲充東萊府君之孫大尉掾之中子右中郎
將弟也累葉牧守印紱典據十有餘人皆德任其位名
豐其爵是故寵祿傳于歷世策勲著于王室君鍾其美
受性淵懿含和履仁治詩尚書兼覽羣藝靡不尋暢州
郡更請屈己匡君為主簿督郵五官掾功曹上計掾守

令冀州從事所歷執憲彈繩糾枉忠潔清肅進退以禮
允道篤愛先人後已克讓有終察孝不行大傳胡公歆
其德美旌招俯就羔羊在公四府歸高除淳于長到官
正席流恩褒善糾姦示惡旬月化行風俗改易輜軒六
戀飛躍臨津不日則月皓天不弔載此良人年五十有
六建寧三年六月癸巳淹疾卒官嗚呼痛哉臣隸辟踊
悲動左右百姓號咷若喪考妣啜孤憤泣忉怛傷摧勒
銘金石惟以告哀其辭曰

於穆皇祖天挺應期佐時理物紹繼先軌積德勤約燕
于孫子君之羣感並時繁祉明明君德令問不已高山
景行慕前賢列庶同如蘭意顛未止中遭冤友不終其
紀夙世實祚早喪懿寶抱器幽潛永歸蒿里痛矣如之
行路感動黨魂有靈垂後不朽

右漢北海淳于長夏君碑篆額元祐中洛州治河堤
始得之夏君名承仕郡為主簿督郵至冀州從事四
府舉辟除淳于長靈帝建寧三年卒此碑字體頗奇

怪唐人蓋所祖述漢字有八分有隸其學中絕不可
分別梁庾元威作書論載隸有十餘種曰芝英隸花
草隸幡信隸鍾鼎隸龍虎隸鳳魚隸麒麟隸仙人隸
科斗隸雲隸蟲隸龜隸鸞隸此碑蓋其間之一體郭
仲竒碑云有山甫之縱又云徽縱顯魯峻碑云比縱
豹產趙圉令碑云羨其縱高外黃碑云莫與比縱此
碑云紹縱先軌皆以縱為蹤蕭何傳發縱指示獸處
顏師古注云書本皆不為蹤字讀者乃為蹤蹟之蹤

非也。据此數碑，則漢人固多借用顏氏之注。殆未然。

也。隸釋

碑以薰為勳，淹為奄，啖為孩，感為戚，黨為儻，甯即

策字，遯即退字，戀即轡字。同上

右淳于長夏承碑云：君諱承，字仲充，東萊府君之孫。

太尉掾之中子，右中郎將弟也。累葉牧守，印紱典據。

十有餘人，皆德任其位，名豐其爵。是故寵祿傳于歷

世，策勳著于王室，君鍾其美，受性淵懿，含和履仁，治

詩尚書兼覽羣執靡不尋暢州郡更請屈己匡君為
主簿督郵五官掾功曹上計掾守令冀州從事又云
察孝不行太傅胡公歆其德美旌招俯就羔羊在公
四府歸高除淳于長又云年五十有六建寧三年六
月癸巳淹疾卒官碑今在洛州元祐間因治河隄得
于土壤中建寧靈帝時年號也距今千歲矣而刻畫
完好如新余家所藏漢碑二百餘卷獨此碑最完

金石

錄

蔡邕書夏承碑如夏金鑄鼎形模怪譎雖蛇神牛鬼
尻雜百出而衣冠禮樂已胚胎乎其中所謂氣陵百
代筆陣堂堂者乎予由是始知為中郎之蹟碑在今

廣平府學

王惲秋
澗集

予承乏廣平見府治後堂有碑仆地閱之乃漢北海
淳于長夏承碑建寧三年蔡邕伯喈所書八分體按
古者天子諸侯士葬必斲木樹豐碑鑿孔貫繩絳以
懸棺而下墻秦漢以下始易石臣子因書君父之功

於其上今碑額有孔政古制也及考文字自蒼頡鳥
跡之後變化不一由大小篆至八分書若秦丞相李
斯漢議郎蔡邕皆足以師古傳後下此不聞矣然則
邕之書胡可易得哉於戲光和苦邑之刻予固未及
見之今觀此書風神骨立想亦逼真矣計自東漢靈
帝建寧三年至今凡一千三百五十有五歲而此刻
尚存豈非神物守護之至耶因與諸同寅謀復樹於
堂之東隅創一小軒以覆之扁曰愛古志書法也若

承之功德與墓之所在及碑之所從來固不暇考論
但碑之下截凡一百一十字年久蘚蝕係後人摸刻
覽者當自擇之成化己亥春三月望日南舒秦民悅

跋於碑陰

廣平志

右漢淳于長夏承碑金石錄云元祐中洛州因治河
得之于土壤中刻畫完好如新隸釋云此碑字體奇
怪唐人蓋所祖述又引梁庾元威論書載隸有十餘
種此乃其間之一體宋鄭僑書衡云漢石經諸刻乃

隸體八分夏承碑乃篆體八分然三家皆不言為何人書也元王文定公憚跋此碑云蔡邕書夏承碑如夏金鑄鼎形模怪譎蛇神牛鬼龐雜百出而衣冠禮樂已胚胎乎其中所謂氣凌百代筆陣堂堂者乎予由是始知為中郎之蹟碑在今廣平府學後刻尚書蔡邕伯喈及永樂七年等字乃庸妄人所加然心竊疑之楊文貞公集中亦有此跋謂近歲廣平府民因治河得此蓋廣平古洺地也所謂近歲恐即永樂七

年予向官京師時廣平通判山西宋益清為予言府學復有一碑字與此類予益疑焉江陰徐子擴好奇士也嘗得舊刻雙鈎其字近以惠予與此絕異此云勤紹舊刻作勤約且其字之闕者四十有五而此刻獨完好則其偽不俟乎言而予昔日之疑始釋然矣

金薤
琳瑯

楊公跋又謂中書舍人陳登以碑為蔡伯喈書蓋不考王氏文集之故後公撰登墓志言永樂間以篆書

名者登之外有吳中滕用亨及四明王尹實予觀三家之篆用亨第一登不能逮若尹實則惟用燥筆又在登之下登門人有程南雲者以篆書得至顯官其用筆雖熟然殊乏古法觀此亦可以知其師矣

同上

按趙明誠金石錄云此碑元祐間治河隄得於土壤中刻畫完好如新又云家所藏漢碑二百卷獨此碑最完然則歐陽公以前當不及見矣碑尾今有蔡邕伯喈書字乃後人妄益然內稱夏君於建寧三年六

月卒官而是時伯喈繇橋司徒府出長河平入為郎
中又其隸法時時有篆籀筆與鍾梁諸公小異而骨
氣洞達精彩飛動疑非中郎不能也但蔡集不載而
他書亦無可考姑闕以俟知者

弇州山人藁

漢淳于長夏承碑都元敬引證極博大略以此碑自
元王文定公憚定為蔡邕書謂其氣凌百代筆陣堂
堂洪丞相隸釋謂其字體竒怪鄭僑書衡謂其兼篆
體八分合數說而疑碑非真蹟又云江陰徐擴有舊

刻闕字四十有五此獨完好則其偽始信余亦覓得
一紙非漢刻似不待辨而楊用修謂為漢刻之僅存
者王元美亦云其隸法時時有篆籀筆骨氣洞達精
彩飛動非中郎不能豈所見別一碑耶

石墨
鐫華

此碑金石錄謂元祐中洺州治河得之土中近楊文
貞公亦謂廣平府治河得此曩曾記宋鄭僑以此為
篆體八分而元王文定公謂為蔡中郎書至比之夏

金鑄鼎形模譎怪以今觀之蓋奇之過者爾

元續
記

淳于長夏承碑八分書建寧三年六月舊在廣平府
學都太僕金薤琳琅謂江陰徐公擴嘗得舊刻雙鈎
其字以惠予與此絕異舊刻闕字四十五而此獨完
好又積行勤約今作勤紹俱為可疑謂是後人偽作
今此碑又亡而嘉靖二十四年知府唐曜重刻者在

漳州書院彌失真矣

金石文
字記

郎中馬江碑

君諱江字元海者濟陰乘氏人

闕

之長孫湯官丞

之元子其先帝顓頊醫羸之後世在趙國以功封趙賜
號馬服因遂氏焉暨于君身乾靈特挺岐嶷有度元然
清妙長有令稱通韓詩經贊業聖典左書右琴明於光
上之術顯於君臣之道郡將平原高君深昭其德以和
平元年舉孝廉除郎中謙虛接下冠名三署昊天不弔
遭離_闕 痛卒世元嘉三年正_闕

失貞幹仕喪儀宗於是盟軌遼醜縞素來赴慘痛號咷
者不可勝數矣夫人寃句曹氏終溫淑慎咸曰女師年

五十五建寧三年十二月卒君中弟字文緒位主簿督

郵志行闕期落落自有大節年卅二早世短折故塋迫

芒兆告斯士先君之庚地闕處還故闕神東

看祖禰西陔舊廬皇神仿佛爰闕居乃闕碑銘勒

厥勲其辭曰

鏘鴻德赫含光闕天爵衛紫闕聲著于周京椽栴存其

人亡闕歲顧几筵悽裏傷嗟詩云感凱風歎

寒泉惟梓桑闕靈闕期闕裔永克昌歿不朽久

彌章

右漢故郎中馬君之碑篆額馬君名江威宗和平元年為郡將高君所薦入補執戟之列元嘉三年卒郎位無可紀之事惟載其同寮醜類縞素遠來之衆爾此碑字體古拙而行間疎密不等其間載建寧三年夫人曹氏卒蓋相去十七年矣又載其弟文緒年三十二早世當是因夫人卜兆以馬君共塋又同時改厝其季故作碑并言之石有斷缺不能詳考其云東

看祖禰西瞻舊廬可見其瘞以昭穆也

隸釋

碑中仕喪儀宗仕讀為士遼醜讀為寮醜仿佛讀

為髣髴

右郎中馬君碑文字殘闕所可見者字元海而已又

云其先賜號馬服因遂氏馬又云以和平元年舉孝

廉除郎中謙虛接下冠名三署又云年世元嘉三年

正月卒又云夫人年五十五建寧三年十二月卒其

他不可考究矣

金石錄

慎令劉脩碑

君諱脩字伯麟從事君

闕

履和而至少罹艱苦身服田晦動乎儉中從

闕

弟克諧與於鄉黨遜遜如也卑謙

博愛恕已接人

闕

政事君則安上竭節不

求聲譽故為五福所歸神明所

闕

時兄弟並典干

城子孫盈門克昌堂構非至德淳粹其孰能與於斯舉
孝廉除郎中旨將事去官辟從事司徒掾典掌邊事遷

慎令行無為之政崇澹泊呂惠利素苦風痺到官朞月
見臣吏勅兒子人命嗚吸不欲煩擾吏民欲生見舊土
歸終於家百姓追逐扣馬攀輪遂不復還年六十七建
寧四年五月甲戌卒二弟龍純孿哀孔懷孤生儁協邵
長號恩慕立此碑銘以表景行其辭曰

於惟君德忠孝正直至行通洞高明柔克鬼神富謙受
茲奈福知命不延引輿旋歸忽然輕舉恁敵拔葵人皆
有亡貴終譽兮歿而不朽垂名著兮

右漢故慎令劉君墓碑隸額在應天府下邑縣劉君
名脩以孝廉為郎終於宰邑靈帝建寧之四年也劉
君不欲以後事煩擾吏民且欲生見舊土遂解印去
官可謂知命履道者矣漢碑多門生故吏為之此則
其二弟三子所立古之經籍未有雕刻之本學者各
習其師故其文不一左氏春秋小戴禮荀孟諸子班
馬二史所引詩書多與今文不同漢末有私行金貨
定蘭臺泰書經字以合其私文者故靈帝詔諸儒正

定羣經刊於石碑使天下取則焉所存遺刻復與今之經傳文異而句別此碑云鄉黨遜遜如也祝穆碑則云鄉黨逶逶皆與論語異而二者又自不一蓋其師說然也此碑又有動乎儉中鬼神富謙亦與今之

易不類

隸釋

淳即淳字泰即介字

同上

右漢慎令劉君墓碑在今南京下邑其名已磨滅其字伯麟少罹艱苦身服田畝舉孝廉除郎中辟從事

司徒掾遷慎令卒年六十有二其銘曰於惟君德忠
孝正直至行通洞高明柔克鬼神富謙受茲介福知
命不延引輿旋歸忽然輕舉志激拔葵人皆有亡貴
終譽兮歿而不朽垂名著兮余家漢碑常患其銘多

缺滅而斯銘偶完故錄之

錄集古

右隸書不著書撰人名氏劉君名氏缺有其字曰伯
麟仕至慎令棄官終於家其卒葬之年月缺滅不明
而隱隱可見疑為建寧四年也碑在南京下邑縣

集古

錄目

建寧四年五月立

金石錄目

漢慎令劉君碑在穀熟縣門外夫子廟中

天下碑錄

北軍中侯郭仲奇碑

君諱

闕

字仲奇元城君之第四子其先蓋周之曹緒虞

邠建國享土受胙政衰道失晉克其邦遭嬴項之際高

祖初起運天符命序秦槩楚遂定漢基枝葉雲布列於

國郡或潁川馮翊公卿校尉將相州郡令問休貴自東

郡衛國家乎河內彼亦世載德以臻于君君惠兄竹邑
侯相次尚書侍郎次濟北相順弟臨沂長次徐州刺史
次中山相次雒陽令咸以孝廉公府茂選貞亮皦白翼
翬瑛彥配周之八為國楨幹君幼有岐嶷天然之資長
有明肅宏雅之操剛毅多略有山甫之縱沈懿敦篤為
萬夫之望闕為郡五官掾功曹司隸中都官從事虎視
眈眈鷹侍電敷貴德肅承莫不畏憚三辟將軍府徵書
祭祭貞亮直方蹇蹇行行忠信可結義然後諫舉廉比

陽長五教加仁施於惠康焉于之武以抑於彊改邑移

風遺愛不忘聞兄疾病率爾逝將袞職有闕賴君闕匡

復辟司徒拜軍中候當授闕城萬里膺揚念妨弟路遜

位焜榮脩黃老之術謙守足之讓祿有不究命有短長

闕臨孔明殘隕貞良卒被氛氣奄忽徂亡年六十有六

建寧四年九月丙子卒五年三闕孝孤切乎悲

慟剝裂行路泣血辟踊傷絕凡百君子靡不哀惻喪國

之鎮朝失模式闕奠乎位未副德刊石甄表以昭罔極

其辭曰

鑠明德躅郭君外忠絜內資親烈桓桓煥有文所臨

闕

風崇和睦垂以仁赫斯嚴威若神動規桓禮義遵

縱徽顯功加民感兄疾電捐官妙

闕

海聞亮矣清

寡匹倫爵不副命乖分土

士

歔歎惜增歎孝流涕慮傷

肝魂靈飭號有榮

闕

永存勒金石示後昆

右漢故北軍中候郭君碑篆額郭君字仲奇嘗為司

隸中都官從事辟將軍府宰比陽建寧四年卒碑書

其官無北字郭究碑但稱為軍中若與額殊按祝睦
 嘗為北軍中候而其後碑書云北軍軍中候則知此
 亦省文爾郭君聞兄之疾則捐官恐妨其弟而辭位
 故有惠兄順弟之目而歷載之棣華蓋可想也

隸釋

碑以縱為蹤掩為奄陸為睦儼即戚字借作戚辯
 即羸字靈即雲字懂即慟字拒即矩字歆即欵字

同上

右漢北軍中候郭君碑其名字磨滅云元城君第四

子也其先蓋周之胄緒枝葉雲布列於州郡自東郡
衛國家於河內汲兄竹邑侯相次尚書侍郎次濟北
相順弟臨沂長次徐州刺史次中山相次維陽令君
為五官掾功曹司隸中都官從事三辟將軍府舉廉

比陽長復辟司徒拜北軍中候年六十有六建寧四
年九月丙子卒於其兄竹邑侯相上一字缺滅不完
疑是惠字其下又云順弟莫曉其義豈漢人謂兄弟

為此語耶故闕其疑以俟知者

集古錄

右隸書不著書撰人名氏中候名已磨滅不可見而
字有其下一字曰奇河內汲人仕至北軍中候碑以

建寧五年立在河陽集古錄目

建寧四年九月金石錄目

漢故北軍中候郭君碑篆額郭君字仲奇嘗為司隸
中都官從事辟將軍府宰比陽建寧四年九月卒五

年三月葬復齋碑錄

建寧五年立在孟州濟源縣隸釋云漢隸之神品漢隸

原字

故民吳仲山碑

熹平元年十二月上旬吳公仲山少立名迹約身斛已
節虜無隻不貪仕進隱匿屯間府縣請名未曾闕城守
鮮貧苦不豫輝榮兄弟三人居其中央事長接幼出入
勅詳元少不幸盡世早亡乾比蓋載八十有長年壽未
究而遭禍央子孫飲泣呼招不能還與古疆介感瘳奈
何何惟公德美布惠州里遠近務求不言無有春秋舉

鴈貸給與無已不送人意率導化理市連結渠簞食空

考房襜遺孤皆置門窮先亡為丞秀弱娶婦簡恩者無

助不能悲嗟勃

效字

勃社里其恩捐施豈誰照矣公甫有

三息遺斨二庄無分少德父有余財東西南北不能起
樓高矚櫨觀菜色宗諸邂逅連有不得兼官徼傍象不
帛大孤慙亡父慕屈夙夜如有空鵲鵲鵲蓋祿零有
知水徂挺易焉焉矣子孫萬嶽

右漢故民吳公碑隸額宣和中知馮陵縣穆延年得

之於民間碑無其名仲山其字也靈帝熹平元年立
漢之仕者沒有遺愛其州縣之民為之采石鑿銘則
自稱曰故民吳公匿迹韜光不荅聘召作碑者體其
謙晦之操故以民稱之所謂故民者物故之民也其
字畫譎怪兼有篆筆惠者人知其為憂疆者若彌非
彌若疆非疆盖其甚異者

釋隸

碑以禍央為禍歿河為何禱為贍零為靈闕即闕

字奕即弃字禍即禍字叱即以字連即庭字

同上

右吳公碑其額題漢故民吳公之碑碑云熹平元年
十二月上旬吳公仲山其他刻畫完好如新文詞頗
拙陋書亦怪而不工然漢時石刻存者漸少而此碑
特完故錄之以資博覽

金石錄

廷尉仲定碑

右廷尉仲定碑在今濮州雷澤其額題漢故廷尉仲
君之碑碑載官閥甚詳雖殘缺然尚可次第其略云
君諱定聖漢龍興家于成陽父張掖廣漢太守以父

勲拜琅琊太守南陽陰府君察孝不行南郡胡公除
濟陰復舉孝廉拜尚書左丞除郎中遷彭城呂長徵
試博士太傅下邳趙公舉君高行遷豫州刺史將軍
從事符節令豫章太守徵議郎拜大尚書遜位復徵
拜將軍長史遷城門校尉執金吾拜大中大夫遷廷
尉卿託病乞歸脩堯靈臺黃屋卅餘上聽拜大中
夫臺成事訖上以君先帝舊臣策請令州郡以禮特
遣熹平元年孟秋上旬君遘疾不瘳於是門生養徒

故吏鄉黨刊石勒銘樹碑表道焉兩漢遷拜次第史
既不能詳載而石刻類皆摩滅難考今此碑所載詳
悉故畫著之所謂南郡胡公者廣也太傅下邳趙公
者峻也按定漢史無傳惟風俗通元和姓纂具載姓

名官爵云

金石錄

六藝之一錄卷四十四

欽定四庫全書

六藝之一錄卷四十五

錢塘倪濤撰

石刻文字二十一

漢武都太守李翕西狹頌

金石錄作武都太守李翕碑

漢武都太守漢陽阿陽李君諱翕字伯都天姿明敏敦

詩悅禮膺祿美厚繼世廊吏秀而宿衛弱冠典城有阿

鄭之化是呂三剖符守茲黃龍嘉禾木連甘露之瑞動順

經古先之呂博愛陳之呂德義示之呂好惠不肅而成

不嚴而治朝中惟靜威儀抑抑督郵部職不出府門政約
令行強不暴寡知不詐愚屬縣趨教無對會之事傲外
來庭面縛二千餘人年穀屢登倉庫惟億百姓有蓄粟
麥五錢郡西狹中道危難阻峻緣崖俾閣兩山壁立隆
崇造雲下有不測之谿阨芒促迫賕財容車騎進不能
濟息不得駐數有顛覆實隧之周過者創楚惴惴其慄
君踐其險若涉淵水水字嘆曰詩所謂如集于木如臨于谷
斯其殆哉困其事則為設備今不圖之為患無已勅衡

官有秩李瑾掾仇審因常繇道徒鑿燒破祈刻白確嵬
減高就埤平夷正曲桺跋土石堅固廣大可以夜涉四
方允雍行人懽悃民歌德惠穆如清風乃刊斯石曰

赫赫明后柔嘉惟則克長克君牧守三國三國清平詠
歌懿德瑞降豐稔民以貨殖威恩竝隆遠人賓服鑿山
浚瀆路呂安直繼禹之迹亦世賴福

建寧四年六月十三日王寅造時府

闕

丞右扶風陳倉呂國字文寶

闕

故府掾

闕

孟字

闕

右武都太守李翕西狹頌在成州今之階成興鳳皆
漢武都郡也李君治武都橋道前後三處磨崖棧險
架橋則邠閣鑿崖治路則西狹天井此碑靈帝建寧
四年刻彼兩碑皆次年刻者歐得其一趙得其二天
井一碑是時未出南豐曾子固跋此碑云翕與功曹
史李旻定策勅衡官掾仇審治東坂有秩李瑾治西
阪鏗燒火石人得夷塗作頌刻石其文有二所識一

也其一刻於四年六月十三日壬寅其一是一年六月
三十日刻今集古之家惟有壬寅一碑李旻定策碑
中不見天井吏屬却有李旻姓名始知南豐非輕信
異聞必是西狹第二碑所載近歲武都樵人斬艾藤
蔓始見石上有天井刻字倚崖縛架推拓甚艱寺僧
或以惡木蔽晦日後碑恐有此患

隸釋

碑以剗為剗斧為窄隧為隆桶為踊植為殖憲即

惡字

同上

漢武都太守漢陽阿陽李翕西狹頌武都太守漢陽
阿陽李翕字伯都以郡之西狹閣道通梁益緣壁立
之山臨不測溪危難阻峻數有顛覆霄隆之害乃與
功曹史李旻定策敕衡官掾仇審治東坂有秩李瑾
治西坂鑿燒大石改高即平正曲廣阬既成人得夷
塗可以夜涉迺相與作頌刻石其頌有二其所識一
也其一立於建寧四年六月十三日壬寅其一是年
六月三十日立也又稱翕嘗令澗池治嶠嶽之道有

黃龍白鹿之瑞其後治武都又有嘉禾甘露木連理
之祥皆圖畫其像刻石在側蓋嘉祐之間晁約仲質
夫為興州還京師得郝閣頌以遺余稱析里橋郝閣
漢武都太守阿陽李翕字伯都之所建以去沉沒之
患而翕字殘缺不可辨得歐陽永叔集古錄目跋尾
以為李會余亦意其然及熙寧十年馬城中玉為轉
運判官於江西出成州所得此頌以示余始知其為
李翕也永叔於學博矣其於是正文字尤審然一以

其意質之遂不能無失則古之人所以闕疑其可忽歟近世士大夫喜藏畫自晉以來名能畫者其筆迹有存於尺帛幅紙莫知其真偽往往皆傳而貴之而漢畫則未有能得之者及得此圖所畫龍虎承露人嘉禾連理之木然後漢畫始見於人又皆出於石刻可知其非偽也漢武帝元鼎六年以汧隴西南接于巴蜀為武都郡其後始分而為興州為成州成州則武都之上流也邠閣立於建寧五年龔治嶠嶽西狹

郝閣之道有益於人而史不傳則頌之作所以備史
之闕是則傳之亦不可以不廣也

元豐
題跋

右武都太守李翕碑文字首尾完好云漢武都太守
漢陽阿陽李君諱翕字伯都其後歷叙在郡治蹟云
郡西破中道艱難阻峻緣崖俾閣兩山壁立隆崇造
雲下有不測之谿阨窄促迫財容車騎進不能濟息
不得駐數有顛覆隕墜之害君勅衡官有秩李瑾掾
仇審因常縣道徒鑿燒破析刻白崔嵬滅高就埤押

致土石堅固廣大可以夜涉四方無雍行人懼怖民
歌德惠穆如清風乃刊斯石其後有頌詩最後題建
寧四年六月十三日壬寅造云

金石錄

李翕黽池五瑞碑

黃龍 白鹿 木連理 甘露降 承露人

君昔在黽池脩峻嶽之道德治精通致黃龍白鹿之瑞
故圖畫其像

右李翕黽池五瑞碑李君昔治黽池臻此瑞物及西

狹磨崖因刻於前非碑陰也。黽池有二，散屬洪農郡。

隸釋

漢李翕碑在成州崖石上，字皆完好。有甘露、白鹿、黃

龍、連理木、四物圖，記李翕之政治也。

天下碑錄

李翕析里橋郝閣頌

惟斯析里，處漢之右。篋源漂疾，橫柱于道。涉秋霖，澆盆

溢。闕 洶濤波滂沛，激揚絕道。漢水逆讓，稽滯商旅。路當

二州，經用，衿沮。涇縣士民，或給州府，休謁往還，恒失日。

晷行理咨嗟郡縣所苦斯谿既然郿閣尤甚緣崖鑿石
竅隱定柱臨深長淵三百餘丈接木相連號為萬柱過
者慄慄載棄為闕常車迎布歲數千兩遭遇隕納人物
俱墜沈沒洪淵酷烈為禍自古迄今莫不創楚於是太
守漢陽阿陽李君諱翕字伯都以建寧三年二月辛巳
到官思惟惠利有以綏濟聞此為難其日久矣嘉念高
帝之開石門元功不朽乃俾衡官掾下拜仇審改解危
殆即便求隱折里大橋於今乃造校致致堅闕工巧

雖昔魯斑亦莫儼象又驛散關之漸潔從朝陽之平燦

減西

闕

高閣就安寧之石道禹導江河以靖四海經

記厥績艾康萬里臣

闕

勒石示後乃作頌曰

闕

降茲惠君克明俊德允武允文躬儉尚約化

流若神慶珉如

闕

平均精通暗穹三納符銀所歷

垂勳香風有隣仍致瑞應豐稔

闕

樂行人夷

欣慕君靡已乃詠新詩

闕

分川允之間高山崔

嵬兮水流蕩蕩地既塔确兮與寇為隣

闕

以折分或失緒業分至于困貧危危累卵分聖朝閔憐

耗艾究闕分秀闕救傾分全育闕遺劬勞日

稷兮惟惠勤勤黃邵朱龔兮蓋不闕充贏兮百

姓歡欣僉曰大平分文翁復存

建寧五闕月十八日癸闕

時衡官闕仇審字孔信

從史位闕字漢德為此頌

故吏下辨子長書此頌

時石師南

闕

威明

闕

右析里橋郝閣頌隸額今在興州靈帝建寧五年立
後西狹碑一歲別有數行刻書撰人及石師姓名歐
公謂遭遇隕納及醜散闕之漸

歐誤作嶮

漂徙朝陽之平

慘刻畫完而莫詳其義或是用字假借案碑言閣道
危殆車乘往還人物俱墮則隕納謂墜淵也慘即燥
字醜與釋同太史公書皆然楊著碑醜榮投黻景君
碑農夫醜耒之類是也其云劬勞日稷盖用穀梁子

日下稷之文靈臺費鳳碑亦有之

隸釋

碑以橫柱為橫注益溢為溢溢行理為行李厥績

為厥績崔隗為崔嵬禍即禍字

同上

右漢析里橋郾閣頌建寧五年立云惟斯析里處漢之右溪源漂疾橫注於道涉秋淋漓稽滯商旅休謁往還常失日晷行理咨嗟郡縣所苦斯溪既然郾閣尤甚臨深長淵三百餘丈接木相連號為萬柱遭遇隕納人物俱隋沈沒洪淵酷烈為禍於是太守阿陽

李君諱翕字伯都以建寧三年二月辛巳到官思惟
惠利有以綏濟聞此為難其日久矣乃俾府掾仇審
改解危殆即便求隱析里大橋於爾乃造又醜散關
之巖深徙朝陽之平煇滅西高閣就安寧之石道禹
導江河以靖四海經紀厥績艾康萬里乃作頌曰頌
後又有詩皆磨滅不完其云遭遇隕納又云醜散關
之巖深徙朝陽之平煇刻畫適完非其訛謬而莫詳
其義疑當時人語與今異又疑漢人用字簡畧假借

不同爾故錄之以俟博識君子

集古錄

右不著撰人名氏漢仇紳隸書據碑所載析里郁閣皆地名也其地有溪水漂溢為患太守阿陽李翕使衡官掾仇審作大橋於析里以建寧五年立此頌在

興元

集古錄目

建寧五年二月立

金石錄目

漢郁閣當析里橋建寧五年李君諱翕字伯都析里大橋於今乃造其言斯溪既然郁閣尤甚臨深長淵

三百餘丈接木相連號為萬柱碑今所見如此考其
地當闕而郝閣無存蹟昔歐陽文忠公嘗疑醴散關之潮
漂徙朝陽之平慘按焘古文顯字漂川漢作濕讀謂
川在卑濕書學至今同文古字濕作𣶒又作溧故漢
人濕又作累然則漂當作濕燥古文作慘盖杲與參
同體其言醴則與易同卜用醴亦易也至謂遭遇隕
納則以傾隕地壞自納於淵漢人文陋無足道然用

字亦本古也

廣川
書跋

建寧五年李翕造漢州

金石略

歐陽集古錄析里橋碑跋云醜散闕之潮潔從朝陽
之平慘刻畫適完非其訛謬而莫詳其義故錄之以
俟博識君子慎按醜古與釋通史記張儀傳杖而醜
之韓信傳醜兵北首燕路洪氏釋醜載漢碑文有云
農夫醜耒又云辭榮醜黻潔本濟潔之潔漢人或寫
潔借作濕字用潮潔即潮濕也慘與燥同分隸小異
如操亦作慘之例平慘謂乾燥言去濕而就燥也以

此訓之可通

升庵外集

此碑在略陽相傳為蔡邕書馬伯循信之固未的然
碑文醜散闕之潮深徙朝陽之平慘歐陽公以為疑
董道書跋云顯古文顯字深川漢作顯讀謂川在卑
濕書學古文至今同古文字濕作蹈又作溲故漢人
濕又作累然則溲當作濕朶與參同體故古文燥作
爇其言醜與易同卜用醜亦易也楊用修謂醜古與
釋通溲借作濕爇與燥同解作去濕就燥之義蓋本

董說但碑文磨泐歐陽謂二句適完好今亦損過半

矣又碑中太守李君諱翕字伯都今板本皆作李會

或傳寫之誤唯鄭樵畧曰李翕與碑合

石墨
鐫華

李翕析里橋郝閣銘八分書今重刻在畧陽縣其文

有曰醴散闕之潮潔者楊用修以醴為釋潮為潮潔

為濕是也歐陽永叔集古錄曰後漢熊君碑其書顯

字皆為顯按說文顯從晷聲而轉為累其失遠矣莫

曉其義也愚按累字從日從系乃晷字之省而後人

寫作田者誤也古人以濕為溧者不一說文濕水出東郡東武陽入海從水巛聲他合切漢書王子侯表濕成侯忠師古曰濕音他合反功臣表駟望侯冷廣以濕沃公士師古曰濕音他合反功臣表有濕陰定侯昆邪霍去病傳王莽傳並作溧陰地里志平原有溧陰縣而水經濕餘水亦溧字之異文惟其以日為

田此永叔之所以疑也

金石文
字記

桂陽太守周憬功勳銘

桂陽太守周府君者徐州下邳人也諱憬字君光體性

敦仁天姿篤厚行興閨門名闕州里舉孝廉拜尚書侍

郎連汝南固始相遂拜桂陽廼宣魯衛之政較二南之

澤政以德綏化猶風騰撫集丞細闕綏有方進則貞直

退則錯枉崇舉濟濟吉士士闕充朝招訓闕蒙開誘六蔽

君子道長小人道消信感神祇靈瑞符闕嘉穀生於豐

竒草像菟莆異根之樹超然連理於此闕時邦域惟寧

郡又與與南海接比商旅所臻自瀑亭至粵曲紅壹由

此水其水源也出於王禽之山山蓋隆闕于天泉

肇沸踊發射其巔分汭離散為十二川彌陵隋阻亘旱

錯連隅陬壅藹末由騁焉爾乃貫山鑽石經闕

揚爭怒浮沈潛伏虵龍蛞屈澧隆鬱浥千渠萬澮合聚

谿澗下迄安甌六瀧佗難湍瀨洑洑泣汙潺湲雖詩稱

百川沸騰高岸為谷深谷為陵蓋莫若斯天軌所經惡

得已改其下注也若奔車失轡狂牛無縻闕勿充忽臚

睦不相知及其上也則羣輩相隨檀柁提闕唱號慷慨

沈深不前其成敗也非徒喪寶玩隕珍竒替珠貝汙象
犀也往古來今變甚終矣於是府君乃思夏后之遺訓

闕

應龍之畫傷行旅之悲窮哀由人困危感蜀守冰殄

絕犂魁嘉夫昧淵永用夷易迺命良吏換帥壯夫排積

勝石投之寥

闕

高填下鑿截回曲弼水之邪性順導

其經脉斷硯溢之電波弱陽侯之汹涌由是小篔乃平

直大道允通利抱布貿絲交易而至升涉周旋功萬於

前除昔

闕

樹壑於茲雖非龍門之鴻鴻字績亦人君之

德宗故船

字船

人嘆於水渚行旅語於涂陸孔子曰禹不

決江疏河吾其魚矣於是熹平三年歲在攝提仲冬之
月曲紅長零陵重安區祉字景賢遵承典憲宣揚德訓
帥禮不越欽仰高山乃與邑子故吏龔臺郭蒼龔維等
命工擊石建碑于瀧上勒銘公功傳之萬世垂示無窮

其辭曰

乾以剖分建兩儀剛柔分分有險夷咨中嶽兮穆崔嵬
嘆衡林兮獨傾虧增陵隋兮甚隘倚鮫莫涉兮禹不規

仰王禽兮又崑崙俯瀧淵兮怛以悲岸參天兮無路僕

石縱橫兮汨汨波隆隆兮聲若雷或抱負兮以從利

或追恩兮有赴義汜自楫兮有不避闕躬軀兮於元池

委性命兮於芒編憊寒慄兮不皇計忽隨汨兮殆忘歸

懿賢后兮發聖英字閉不通兮治斯谿慶巨石兮以湮

填開切促兮導曲機推六瀧兮弱闕兮散其波

威怒定兮混瀾瀾息聊啾兮逝闕兮蛟龍臧睦

老唱兮臚人歌名冠世兮闕超踰倫今稱闕兮耀汨沙

功斐斐兮鏡海裔君乎君壽不訾

右神漢桂陽太守周府君功勳之紀銘隸額周君名
憬自周始相為桂陽守碑云熹平三年歲在攝提仲
冬之月曲紅長區祉與邑子故吏建碑於瀧上蓋靈
帝甲寅年也茲水發源王禽山千渠萬澮下湊六瀧
舟楫過之若奔車失轡狂牛無縻喪寶玩流象犀積
有日矣周君思夏后龍門之績感李冰離堆之事排
治湍梗人得利涉故紀其功勳銘辭全逼騷雅有瓠

子歌遺意韓退之詩云南下樂昌瀧險惡不可狀者
即謂此也樂史寰宇記云瀧上有太守周昕廟今碑
在韶州張九齡廟中其名尚隱隱可辨蓋憬字也予
嘗侍親度嶺留英州其郡東亦有瀧問之云彼處壤
沃宜稻而山甚高峭僅有鳥道負擔者不可下土人
斬竹為簾以器貯米寘其上俟雨至間通隨飛瀑魚
貫而下注于深潭入水底始再出碎於石者什五六

謂之瀧如此

隸釋

碑以壅藹為壅遏犁魁為離堆小後溪路後皆為

蹊

同上

後漢桂陽太守周府君紀功銘 此君檢漢書無之

今碑石缺不見其名惜乎遂不見於世也南人紀其所脩瀧水即韓文公所謂昌樂瀧者是也至今以為

利祠宇甚嚴云

集古錄

右漢桂陽周府君碑按韶州圖經云後漢桂陽太守周府君碑按廟在樂昌縣西一百一十八里武漢溪上

武溪驚湍激石流數百里昔馬援南征其門人轅寄
生善吹笛援為作歌和之名曰武溪深其辭曰滔滔
武溪一何深鳥飛不渡獸不能臨嗟哉武溪何毒淫
周使君開此溪下合真水桂陽人便之為立廟刻石
又云碑在廟中郭蒼文今碑文磨滅云府君字君光
而名已訛缺不可辨圖經但言周使君亦不著其名
後漢書又無傳遂不知為何人也按武水源出郴州
臨武縣鷓鴣石南流三百里入桂陽而桂陽真水盧

溪曲日溪諸水皆與武水合流其俗謂水湍峻為瀧韓退之詩云南下昌樂瀧即此水也碑首題曰神漢者如唐人云聖唐爾蓋當時已為此語而史傳他書無之獨見於此碑也

集古錄

桂陽周府君碑後本 余初得前本恨其名遂磨滅後有國子監直講劉仲章者因出其碑而為余言前為樂昌令因道府君事云名憬問其何以見之云碑刻雖闕尚可識也乃以此碑并陰遺余蓋前本特模

者不工爾又余初以韓集云昌樂瀧疑其誤乃改從
樂昌仲章曰不然縣名樂昌而瀧名昌樂其舊俗所
傳如是韓集不悞也乃知古人傳疑而慎於更改者
以此同上

右漢隸不著書撰人名氏韶州圖經云郭蒼撰初桂
陽有瀧水人患其險太守下邳周憬字君光顏山鑿
石以通之延熹三年故吏區祉刻石以紀功并祉等
故吏題名者二十二入右韶州樂昌縣昌樂瀧上周

君廟中

集古
錄目

桂陽周府君碑并碑陰熙寧八年余從知韶州王之
材求得此本之材又以書來曰按曲江縣圖經周府
君名昕字君光則永叔云圖經不著其名者蓋考之
未詳也又有碑陰列故吏及工師官號州里姓名之
材并摹以來永叔蓋未之得也其碑陰曲江字皆作
曲紅而蒼江字江夏字亦作紅蓋古字通用不可不
知此學者所以貴乎博覽也永叔又記劉原父所得

商洛之鼎銘云惟十有三月旁死魄君謨問十四月者何謂原父不能言也以予考之古字如亦作夆人作兂之類皆重出如此者甚衆則此文作三者特二字耳永叔原父君謨皆博識而亦有所未達學者又不可不知故并見之於此也

元豐題跋

右桂陽太守周府君頌歐陽公集古錄云府君字君光而名已訛缺不可辨圖經但言周使君而亦不著其名後漢書又無傳遂不知為何人而曾子固言嘗

得此碑於知韶州王之才之才以書來言曲江縣圖
經周府君名昕字君光則永叔云圖經不載其名者
蓋考之未詳也今此本雖訛缺然究其點畫殊不類
昕字二公所說既不同而韶州圖經余家偶無有皆
未可知也 余後見市中印本歐陽公廬陵集別有

一跋尾云周君名憬憬字頗近之

金石錄

桂陽太守周府君勲德碑熹平三年桂陽監

金石略

漢周府君碑六一先生凡三四跋最後方辨其名璟

蔣穎叔作武溪深乃謂名煜且押之韻蓋石古剝落以其形似求合于君光之字故云爾曾南豐集顧云從知韶州王之材得此碑書來曰按曲江縣圖經名昕則併與其名字而不辨何至遽信而以六一為未

詳考邪

蘆浦筆記

右漢桂陽太守周府君碑歐公謂其名已殘闕但知其字為君光而已趙氏引曾南豐之言謂周君名昕以為歐公考之未詳而其後小字復謂歐陽集別有

一跋云周君名憬而又以為字頗近之予按隸釋云

君諱憬字君光與歐公後跋正合則南豐所謂名昕

者固為失之而趙氏又何必置疑於其間哉

金薤
琳琅

此碑元季廬陵陳謨跋謂漢刻本在瀧上唐重刻本

在曲江廟中不知何時徙置郡學韶州守錢旭既新

府治以韶在漢屬桂陽乃徙置之後楊文貞公跋亦

云碑在韶州府治按府治今為王府碑由是仍徙曲

江廟中東廣漢碑絕少所有惟斯而已

同上

熹平三年立在韶州樂昌廟內與柳州接界集古錄

云碑文磨滅名不可辨圖經但言周使君後漢書無

傳及得碑陰方知名憬題云神漢獨此碑爾

漢隸
字原

周憬碑陰

故曲紅長零陵里安區祉字景賢故舍匯長南郡即蒼

陸字

闕

夏故湏陽守長南平丞長沙漢昌寒祇字宣節

故行事耒陽琴夏字漢威故荊州從事曲紅龔臺字少

謙故荊州從事曲紅郭蒼字伯起故荊州從事柳王鼎

字季尼故南部督郵曲紅龔雒字闕然故吏曲紅鄧音

字孝直故吏曲紅朱闕字義德故吏曲紅張源字子才

故吏曲紅龔達字叔通故吏曲紅黃部字奔尼故吏曲

紅周蓋字伯嘗故吏曲紅黃晏字子齊故吏曲紅馬珪

字元序故吏曲紅潭承字寧升故吏曲紅劉鵠字季產

故吏曲紅黃祺字叔仁故吏曲紅周習字仲鸞故吏曲

紅劉越字子省故吏柳褚禧字闕讓故吏耒陽蔡闕字

已明故涇陽左尉零陽京陵闕故吏涇陽劉明字

仲

闕

故吏湏陽左勝字仲升故吏湏陽左蘇字妙舉故

吏湏陽宋碩字子張故吏舍滙堯禹字公制故吏舍滙

張邵字寧威故吏舍滙黃詳字伯節工隄南陽宛王遷

字子疆

右周府君碑陰題名凡卅一人姓氏具存按酈道元

注水經瀧水南逕曲江縣東縣昔號曲紅曲紅山名

也而東西兩漢史皆作曲江今據此碑自縣長區社

而下凡十七人皆書為曲紅則是當時縣名曲紅無

可疑者不知兩漢皆作曲江何也

金石錄

右周憬碑陰宰曲紅者一人貫曲紅者十六人熊君

碑亦同兩漢書皆作曲江諸家地理書皆云水流屈

曲故曰曲江唯水經云縣昔號曲紅山之名也前書

工女大功皆只同用紅字未知水經何所據也

隸釋

漢桂陽太守周使君碑在韶州樂昌縣郭倉文

天下碑錄

漢桂陽太守功勳碑漢隸在廣東樂昌縣

格古要論

司隸校尉魯峻碑

君諱峻字仲巖山陽昌邑人其先周文公之碩胄

闕

伯禽之懿緒以載于祖考之銘也君則監營謁者之孫
脩武令之子體純飶之德秉仁義之操治魯詩兼通顏
氏春秋博覽羣書無物不稟學為儒宗行為士表漢

闕

始住佐職牧守敬恪恭儉州里歸稱舉孝廉除郎中謁
者河內太守丞喪父如禮辟司徒府舉高第侍御史東
郡項公今視事四年比縱豹產化行如流遷九江太守
除殘酷之刑行循吏之道統政

闕

載飶若清風有黃霸

名信臣在穎南之歌曰公事去官休神家術未能一暮
為司空王暘所舉徵拜議郎太尉長史御史中丞延熹
七年二月丁卯拜司隸校尉董督京輦掌察羣寮調納
舉大權然䟽發不為小威呂濟其仁彊忠獨斷呂效其
節案奏闕公彈紕五卿革夏祇肅佞穢者遠遭母憂自
乞拜議郎服竟還拜屯騎校尉以病遜位守䟽廣止足
之計樂於陵灌園之絜閉門靜居班書是娛年六十一
熹平元年闕月癸酉卒明年四月庚子葬於是門生汝

南干闕沛國丁直魏郡馬萌勃海呂圖任城吳盛陳留

誠屯東郡夏侯宏等三百廿人追惟在昔游夏之徒化

謚宣尼君事帝則忠臨民則惠乃昭告神明謚君曰忠

惠父息馭不才弱冠而孤承堂弗構斯薪弗何悲蓼義

之不報痛昊天之靡嘉頌企有紀能不號誓刊石叙哀

其銘曰

巖巖山岳礪落彰較崇崇忠惠令德孔爍命闕時生雅

度宏綽允文允武厥姿烈連內懷溫潤外撮強虎督司

京師歟然清邈當

闕

緄職為國之權匪究南山遐邇惻

惻凡百君子欽謚嘉樂永傳書齡喚矣的的

右漢故司隸校尉忠惠父魯君碑隸額在濟州任城

縣魯君名峻歷郎中謁者河內丞侍御史頓邱令九

江守議郎太尉長史御史中丞司隸校尉遭母憂自

乞拜議郎服竟還拜屯騎校尉靈帝熹平元年卒明

年葬門生丁直等三百二十人謚之曰忠惠其子叡

立石作銘水經亦載此碑但誤以為名恭爾歐陽公

云峻遭母憂自乞拜議郎又最後為屯騎而碑首題以司隸二者莫曉予嘗考漢代風俗相承雖丁私鞮亦多以日易月鮮有執喪三年者故元初詔書始聽大臣二千石行三年喪至建光元年復禁不許李翊去官二交故銘文頌其考憂釋紼時則有居憂不釋紼者矣肅宗時越騎校尉桓郁以母憂乞身詔公卿議皆以郁身為名儒學者之宗可許之詔聽以侍中行服後其子馮為大子大傅以母憂自乞聽以大夫

行喪二公纏陟屺之痛皆避劇就閒與魯君以議郎
行喪同漢人所書碑誌或以所重之官揭之司隸權
尊而秩清非列校可比亦猶馮緄捨廷尉而用車騎
也周官注云義儀二字古皆音俄詩以實惟我儀協
在彼中河樂且有儀協在彼中阿太元亦以各遵其
儀協不偏不頗左傳音蛾析作蟻徐廣音犧舡作俄
漢碑凡蓼莪皆作蓼儀此碑又作琴義銘詩煥矣灼
灼俱易火以日令德孔鑠又復从女若堂堂作棠棠

則它碑亦有之

釋隸

碑以槩為看縱為蹤斨為析緄為袞畜為億便即
儒字絢即細字契即潔字斑即琴字蒼即嗟字虞

即虐字

同上

黃水又東逕咸亭北水南有金鄉縣之東界也戴延
之西征記曰焦氏山北數山有漢司隸校尉魯恭穿
山得白蛇白兔不葬更葬山南鑿而得金故曰金鄉
山山形峻峭冢前有石祠石廟四壁皆青石隱起自

書契以來忠臣孝子貞婦孔子及弟子七十二人形
像像邊皆刻石記之文字分明又有石牀長八尺磨
瑩鮮明叩之聲聞遠近時太尉從事中郎傅珍之諮
議參軍周安穆折敗石牀各取去為魯氏之後所訟

二人並免官焦氏山東即金鄉山也

水經注

右漢魯峻碑云君諱峻字仲嚴山陽昌邑人監營謁
者之孫修武令之子治魯詩顏氏春秋舉孝廉除郎
中謁者河內太守丞辟司徒司空府舉高第御史東

郡頓邱令遷九江太守拜議郎太尉長史御史中丞
司隸校尉遭母憂自乞拜議郎服竟還拜屯騎校尉
以病遜位熹平元年卒門生于商等二百三十人諡
曰忠惠父其餘文字亦粗完故得遷拜次序頗詳以
見漢官之制如此惟云遭母憂自乞拜議郎又其最
後為屯騎校尉而碑首題云漢故司隸校尉忠惠父
魯君碑二者莫曉其義

集古錄

右隸書不著書撰人名氏峻字仲嚴高平昌邑人官

至屯騎校尉以病去位門人于商等追諡曰忠惠父

碑以熹平中立在今濟州

集古錄目

右司隸校尉魯峻碑云君諱峻字仲嚴酈道元注水經引戴延之西征記曰焦氏山北金鄉山有漢司隸

校尉魯恭冢冢前有石祠四壁皆青石隱起自書契以來忠臣孝子貞婦孔子及七十二弟子形像像邊皆刻石記之今墓與石室尚存惟此碑為人輦至任城縣學矣余嘗得石室所刻畫像與延之所記合又

其他地里書如方輿志寰宇記之類皆作峻惟水經

誤轉寫為恭爾

金石錄

右漢司隸校尉魯峻碑水經注以峻為恭趙氏謂方輿志寰宇記皆作峻而辨水經之誤予家舊藏此碑峻字明白可識趙氏果有其本何乃不知而必欲證之以地理書也歐陽公謂峻最後為屯騎校尉而碑首題曰司隸校尉莫曉其義隸釋云漢人碑志或以所重之官揭之司隸官尊而職清非列校可比故書

之也此足以祛歐公之惑鄭夾漈又謂此碑書於蔡
邕按徐浩古迹記其叙邕書惟三體石經西岳光
和殷華馮敦數碑及考其他字書亦未聞邕嘗書此不

知鄭氏何所據也

金薤
琳琅

此碑乃門人為峻立者故有忠惠父之稱諡方勁古

拙甚可寶也嘉靖甲寅四月十二日記

元續
記

此碑書法峭峻古雅第小開魏人堂室然自是漢格
鄭樵謂出蔡中郎無據都少卿疑之是也余意私諡

起于春秋漢末尚節義故尚不廢苻秦既已非古猶
諡及隱逸唐時朝臣尚加山林之號激貪厲競豈曰
罔裨今典三品京朝摸牀結舌循序考終皆得美諡
外吏即品亞六卿德侔夷惠非際時會竟以格置此
義人勞吏所以扼腕太息也嗚呼今安得此門生故

吏乎金石史

司隸校尉魯峻碑亦漢隸中之有聲者也鄭樵氏謂
出蔡中郎趙明誠疑其不然俱未有據峻自司隸再

遷以終今舉其雄者又為之私諡曰忠惠父皆門生

故吏意也 舟州山人藁

司隸校尉魯峻碑并陰八分書今在濟寧州儒學 金石

文字記

魯峻碑陰

故吏河內 關 官 關 幼流 關

故吏九江壽春陳龔伯

關 五百故吏九江壽春任 關 孝長五百故吏東郡領兵

許踰伯通五百門生沛國丁良 關 榮千門生勃海 關

呂闕世階千門生東郡汝陽敢敦登高千門生汝南名

陵千商明公五百門生南陽新野闕顯闕文五百門生

平原路龍顯公五百門生任闕樊兒闕太平五百門生

平原樂陵路福世輔三百門生魏郡闕邱李牧君伯三

百門生魏郡繁陽王輔子助三百門生河東郡闕陽闕

文智三百門生汝南汝陽立闕三百門生東郡

邑闕松二百門生東郡闕平闕二百門

生東郡樂平闕顯闕二百門生東郡樂平闕

二百門生魏郡內黃

闕

二百門生東郡

闕

陽王

闕 少二百門生汝南滎強尹稜

闕

二百門生汝南滎

強尹顥

闕

二百門生勃海南皮劉扶節

闕

二百門生

勃海南劉盛興

闕

二百門生河間阜成東鄉晨子

闕

二百門生河間阜城東鄉恭

闕

公二百門生原平西平

昌劉本景

闕

二百門生平原張謙伯讓二百門生陳留

尉氏夏統子思二百門生濟陰陳氏許仁伯德二百門

生濟陰

闕

孤周維元興二百義士梁國寧陵及強

闕

良

二百

右魯峻碑陰歐陽公趙明誠皆失收錄至洪丞相隸
釋於漢碑搜羅殆盡而亦復遺焉予家此碑不特人

間少有且文字粗完可讀惜不令三公見之
金薤
琳琅

司空宗俱碑

公諱俱字伯儷南陽安衆人也闕先蓋四岳生後闕

宗闕十
九字禮父司隸校尉父長沙太守自初仕漢呂來禮

族枝葉闕二
十字不闕生闕七
字殊闕七
字大闕二十
三字郡辟州察

孝除闕二城門侯闕五郎中闕七今闕十詣尹英督骨

徒闕二移闕不肅而成闕四州郡仍闕十定足闕二政

闕一外闕二內闕二任闕二生闕十生闕二呂闕二闕

七令名布弓華夏闕三不闕七清而闕六藉徵拜議郎

闕漢闕大闕三不闕二列功闕生闕三議郎五官中

郎將越騎校尉闕十汝南太守闕十功闕十大闕六統

八闕三台司闕十踐位闕九其辭曰

上闕不闕四伊闕入闕二天闕八呂闕九故闕十而闕

九字闕三字闕二字闕一字闕二字闕三字闕二字闕一字闕二字闕三字闕

字不

闕二十二字

大

闕三字

功

闕九字

言

闕二十三字

康

闕二字

功

闕二字

承

闕二字

適為大

闕六字

少府

闕

慈肅恭適英大僕

闕四字

適秩大常

三禮有

闕

帝曰

闕

詔適陟司空疆理物土

闕十一字

同穹昊

下闕

右漢司空宗公碑篆額有陰碑之文皆已殘闕惟名

字郡邑父祖獨存而官秩尚可見宗公名俱以察孝

為城門候歷郎中議郎五官中郎將越騎校尉汝南

太守少府太僕太常遂拜司空碑云祖父司隸校尉

汝南太守范史靈帝紀云建寧三年七月太常宗俱
為司空熹平二年正月薨宋均傳云族子意意自有
傳以章和中為司隸校尉其傳云孫俱靈帝時為司
空碑與史皆合惟傳誤以宗為宋爾俱持國秉一歲
有半雖無列傳不詳其人賢否而宦者傳云熹平元
年有人書朱雀闕言天下大亂曹節王甫幽殺太后
公卿皆尸祿無忠言者司隸劉猛以誹書言直不肯
急捕若俱者亦尸祿一人之數也

隸釋

碑以禮為祖英即典字通即乃字碑中之字皆用

篆文

同上

右司空宗俱碑云公諱俱字伯儷南陽安衆人也而其額題漢故司空宗俱之碑按後漢書宋均傳均族子意意孫俱靈帝時為司空余嘗得宗資墓前石獸膊上刻字因以後漢帝紀及姓苑姓纂等書參考以謂自均而下其姓皆當作宗而列傳轉寫為宋誤也後得此碑益知前言之不謬碑以殘缺不成文理而

官秩姓名鄉里特完可考故詳著之

金石錄

宗俱碑陰

宗俱碑陰額上六大篆曰門人立碑人名正碑甚刻
減碑背所損却不多上下凡四橫書其人郡邑名字
略無官稱當是門生未筮仕者故吏不應無碑不傳

於後世爾

隸續

廣漢屬國侯李翊碑

君諱翊字輔國牂柯太守曾孫謁者孫從事君之元子

也其先出自其子之苗奕世載德迄君之身多有貞恪
謙約之操長柯芬芳成人之行通經綜緯兼究古睢初
闕妣憂勤思盡情及繼母嗣承慈愛如前養則竭力克
勤和顏名顯近遠論者稱焉郡守嘉貪禮請署督郵五
官功曹守長朝有申甫之節居則曾閔之風延熹六年
太守東萊李君懿其高潔順天報國察舉孝廉除郎中
特慕供養常託疾在家時益部覆據為三府所選拜廣
漢屬國侯到官鷹揚威裒以文得殊俗驩心撥理之效

至建寧元年遭從事君憂去官二交追攀詠其甘棠竭
孝道以送終愜松柏而惟荆禮服既盡州郡爭取比郡
部諸郡深執膝匪棲遲不就童冠相娛閨門難難夷史
之高著臨究前軌當為國之幹臣穹昊闕逝皇祚不永
年五十四以熹平二年卒凡百慘愴同時感傷九恉內
外莫不絕傷於是乃采石勒銘垂示後昆

赫赫惟忠屬國李侯發迹邑屋聲冠方隅貢德王室顯
名遼疇疇侮鎮戎經為大儒孝憂釋紉公義卓休終而

有禮哀榮兼殊沒而含曜比列陵於嗟兮魂靈嗚呼悲夫

右廣漢屬國侯李翊碑翊孝於奉親官游之日關自

郎位纔為屬國侯以靈帝熹平二年卒其文云幼有

貞恪謙約之操長柯芬芳成人之行此兩句語停而

意對上言幼下言長也或讀為長柯殊無義訓竊疑

柯乃假借或歌或荷爾二交者歲在換也磐匪者匪

石不可轉也比列陵於者似倒用於陵以趁韻也隸釋

碑以牂柯為牂柯授穰為擾攘刑為形遼為奈紉

為紱攣即戀字衛即禦字

同上

碑無額碑云君諱翊字國輔歷五官功曹守察孝廉
為郎拜廣漢屬國侯熹平二年卒銘文有屬國李侯

之語知其姓李

復齋碑錄

李翊夫人碑

廣漢屬國侯夫人節行絜靜德配古之聖母早失匹
壽昏者不耐憤然憊瘵稱列述厥辭曰

匹字

昔彼衛姬輔齊匡桓文母循導周室獲蕃於虧夫人臧
侯苗焉自彼適斯蹈禮伉言恭順承暘孝行布宣述嬪
慈惠聰達梵樊繼姑入室勤養撈撈育理家道羣宗為
軒求福不回操無遺術愆字約身紡績殖賄圃園敬姜誨
子叔敖陰恩男三女二靡穆閨門女則哲禮男則與權
節義踰古訓導不煩九族和親若葉附根歲在大淵敲
精魂奄昏飛神天庭收刑元都莫不歎息涕零嗚呼明
智有德咸曰何辜害我仁良顛闕友俎瘳感路人泣霑

泥塗逝而不返子孫呱呱

歎曰陰陽分兮鍾律滋星月列兮有四時神宓設兮萬
姓熹壽十二兮九九期五三未闕兮喪在姪秋發兮春

華殆周公九兮成稱災靡黃馘兮蓋天胎世有皇兮氣
所裁赴鴻淵兮逝不來鳳延頸兮泣交頤顛顛悲兮涕
隕零寐耿耿兮惟傷情彼倉天兮懇神靈惻切剝兮平
不禁蘭芷亡兮喪芝英誰不恻兮佗俚聲疇匹號兮鳴
譽譽祀之至兮感動城陟四極兮升天庭曰司命兮政

不平飛螽蟊兮害仁良魂魄孤兮獨煢煢陳祔祠兮返所生幽不見兮存厥刑嗟曰遐兮適窅窅

右廣漢屬國侯夫人碑李翊之配也兩碑今在渠州歐趙時皆未出其文云於戲夫人臧侯苗焉蓋夫人之姓臧也其後歎辭九九十二之數殊未易曉中有重文數句惟其末詿詿三處字不再出其間假借字以鵠頭作鵠鵠螽蟊作螽蟊它碑所無者漢婦人墓銘見於文士集中固不一其石刻存於今者獨此碑

爾

釋隸

撈即拳字莞即莞字宵即冥字厖即眉字

上同



六藝之一錄卷四十五